

մի արձանագրութեան մեջ իրեն «Թագազն եւ աշխարհակալ» եւ անվանում*։ Վարդան պատմիչ յիշում է, թե Ջաքարիայի վորդին Շահնշահ յուր անունն ստացել է «ի պատիւ տէրութեանն Անուոյ», գուցե և Շիրակի գրավման առթիւ, յորք մոտավորապես պետք է ծնված լինի նա. նորա իսկական անունը Սարգիս է**։ Այս ձգտումը՝ Բագրատունի թագավորների տիրողոսներով յերևան գալ կամ Բագրատունյաց ժառանգներ հանդիսանալ՝ իրական մի ապացույց է նոցա գերագույն իշխանութեան Հայաստանում, պատմական բերմունքով Վրաց ընդհանուր հովանավորութեան տակ. նոքա կամենում են վերակենդանացնել Բագրատունյաց ավանդութիւնները, իբրեւ Հայաստանի գերագույն իշխաններ։ Տարաբաղադար մեր ձեռքի տակ յեղած աղբյուրները բավարար չափով չեն պարզում, թե վերջինի իրավական հարաբերութեան մեջ եր Ջաքարյանների նորանվաճ Հայաստանը Վրաց թագավորութեան հետ։ Ջաքարյանների այն բարձր և բացառիկ դիրքը, վոր մենք տեսանք Վրաց պետութեան մեջ, ապացույց կարող է լինել, թե այդ կախումը չպետք է շատ գործի լինել. ամիր սպասարութիւնն ու աթարեկութիւնը ժամանակի վորդու հետ կապված մի յերևութ եր. յերկու տիրողոսներն ու պաշտոններն եւ անվաճ հարևան Պարսիկներէն, գուցե մասամբ և Ասորիքէն, ուր քայքայվել սկսող Սելջուկյան մեծ պետութեան մեջ թույլ թագավորների կողքին յերևան են գալիս բարձր գորապետներն ու աթարեկները, իսկական կառավարիչը հանդիսանալով պետութեան և հետզհետեւ անկախ իշխանութիւններ հաստատելով այլ և այլ մասերում։ Չլինել Սորազմների և ապա թաթարական մեծ արշավանքն ու տիրապետութիւնը, Ջաքարյանների նորահաստատ պետութիւնն եր, հաւանորեն, նույն ճանապարհով պիտի գնար, ինչպես մակարեւել կարելի է նրանց գործածած տիրողոսներից և պետութիւնը բնորոշող արտահայտութիւններից։

Բայց Ջաքարյանները միանձնապէս պետութիւն չկազմեցին, այլ յերկու յղբայրներով յերկու ճյուղի բաժանված ավագ կամ ազգեցիկ ներկայացուցչի գերիշխանութեան տակ՝ հառաջ բերին հայ իշխանութիւնների մի ամբողջ ցանց նորանվաճ յերկրում։ Ջաքարյանների բարձրանալուց առաջ դեռ եւ կային հայ իշխանական մի քանի տոհմերի մնացորդներ, վորոնք ապավինած իրենց լեռների բարձունքներին, թշնամեցան ջանքերով պահել եյին իրենց գոյութիւնը. այդ պիսիներից եյին Արցախի կամ Սաշինի յերկճյուղ իշխանութիւնները՝ Սոխանաբերդում և Հաթիբքում, իրենց ստորադրյալ ավելի փոքր իշխանութիւններով կամ ազատներով. Կորիկյանց տան մնացորդները Լո-

Ստեփ. Վարդ. Մխիթարյան. Ստորագրութիւն Այրի վանաց Ս. Գեղարդա. Վաղարշ. 1873 յեր. 27։

* Արձ. Գեղարդի. տ. Հավել. Ա. 4. Համ. Մխիթարյան. Անդ. յեր. 16. սխալաշատ և պակասավոր։

** Ալիշան. Շիրակ 41, Վաղդան. Հրատ. Եմինի. Մոսկվա 1861. 183։

սիւն և ապա Մաճնաբերդում. Մանկանաբերդի, Համազասպյանց կամ Մամիկոնյանց իշխանութիւնները Կայնո և Լոռիի գավառներում, վորոնք Ջաքարյանների բարձրանալուց առաջ հաստատված եյին արդեն այստեղ. և վերջապես Պահլավունիք Անիում կամ շրջակայքում։ Բայց սոքա բոլորն եւ այնպես ընկճված եյին և փոքրացած Սելջուկյան տիրապետութեան տակ, վոր նոցա մասին գրեթե յիշատակութիւն չունինք ժ. գարու կեսերից առաջ. վրական հաջորդութիւններով և մանավանդ Ջաքարյանց յերկու յղբայրների նվաճողական պատերազմներով վերակենդանանում և գեր են սկսում կատարել և սոքա։ Ջաքարյանների խոհմ քաղաքականութեանն ենք պարտական ժ. գարու քաղաքական վերածնութիւնը. նոքա մի կողմից ինամեական կապերով մոտենում են հնուց մնացած հայ իշխանական տոհմերի հետ, դաշնակից դարձնում կամ իրենց յինթարկում*, մյուս կողմից կազմում են նոր իշխանութիւններ իրենց գերագույն հովանավորութեան տակ։ Մանկանաբերդի իշխանների կապը տեսանք վերեւ. Սարգիս մեծի կինը Սահակդուխտ՝ Ջաքարի և Իվանի մայրը, Քուրդ իշխանի քույրն եր**։ Բագնայրի ավետարանի հիշատակարանի համեմատ Ջաքարյանների մի ուրիշ մորյղբայրն եր Սարգիս կամ ամիր Սարգիս, վորի վորդին Սաւուս գրել և նկարագրել է տվել այս մեծադիր և շքեղ յերկաթագիր ավետարանը ի յիշատակ յուր վաղամեծ վորդի Սասնային։ Նորան եր հանձնված Շահնշահ մեծի և ապա սորա վորդի Ջաքարիայի կրթութիւնը իբրեւ Ջաքարիայի տան «մասխուր թախուցէս, որ ըստ մերումս թարգմանի, գլուխ իշխեցող եւ հրամանատար ամենայն իշխեցողաց և գլխաւորաց տան թագաւորութեան տեառն իւրոյ»***։

Պահլավունիք, Հոնենք և ուրիշ տոհմեր աջակից են Ջաքարյաններին Անիի կառավարութեան գործում վորպես պաշտոնյաներ¹. Ջաքարեյի և Իվանեյի քույրե-

* Հասան Ա.-ի վորդին Գրիգոր Դոխյան քիչ հետո մեջ բերված Որթաքիլիսայի ավետարանի պահպանակ յիշատակարանի մեջ Ավագին անվանում է «պարոնն իմ»։

** Սուրբ գրքի մեջ յեր. 9։

*** Մեր Գրչութեան արուեստը. Գիրք Գ. յեր. 33. Եջմ. Ձեռ. № 230. 297ա. «Իշխանն պատրոն Սաւուս որդի ամիր Սարգիսն որ էր եղբայր մաւր կեսառոսաց Հայոց եւ Վրաց եւ ամենայն Ափխազաց բարեպաշտիցն եւ ավ դաւրացեալոցն մեծին Ջաքարիայի եւ Իւանեյի»։

1 Շահնշահի ժամանակ (1288 թ.) ամիրայութեան պաշտոնն եր կատարում Անիում Վահրամ (Շիրակ 43. 49). ճշգրտւոյն ընթերցվածը յերկրորդ արձանագրութեան Н. Я. Марр' Надпись Епифания католикаса Грузии СП. 1910. Արտատպ. Извест. Имп. Акад. Наук 1910. 1433—1442։ Հավանորեն Վահրամ ամիրան Պահլավունի եր, ինչպես Պահլավունի յե և Յեպիփանի արձանագրութեան տակ յիշված Գրիգոր յեպիսկոպոսը (որդի Ապուղամրի. Շիրակ 121 և 122)։ Անիի և շրջակա վանքերի արձանագրութիւններ մեջ յիշատակվում են Պահլավունի մի քանի յեպիսկոպոսներ. վոր